

卷九

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之茫昧兮廓開闢而著形爾乃清
 濁剖判玄黃判離太極既殊是生兩儀星辰煥列日月
 重規疊軌動以尊地靜以卑尋明迭炤或盈或虧陰陽協
 氣下謝寒暑隨時而推移三才殊性五行異位千變
 萬化育庶類授之以形稟之以氣色表文采聲有音
 無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷九
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

合璧拂巫盪祝末為上客

廣文選卷第八

江都葛澗校

廣文選卷第九

明通議大夫都察院右副都御史大庾劉節廣

賦

雜賦上廣

蠶賦

荀卿

有物於此儻儻兮其狀屢化如神功被天下為萬世文
禮樂以成貴賤以分養老長幼待之為而後存名號不
美與暴為隣功立而身廢事成而家敗弃其耆老收其
後世人屬所利飛鳥所害臣愚而不識請占之五泰五
泰占之曰此夫身女好而頭馬首者與屢化而不壽者
與善壯而拙老者與有父母而無乳牡者與冬伏而夏
游食桑而吐絲前亂而後治夏生而惡暑喜溫而惡雨

理 蛹以爲母蛾以爲父三俯三起事乃大已夫是之謂蠶

箴賦

荀卿

有物於此生於山阜處於室堂無知無巧善治衣裳不盜不竊穿窬而行日夜合雜以成文章以能合從又善連衡下覆百姓上飾帝王功業其博不見賢良時用則存不用則亡臣愚不識敢請之王王曰此夫始生鉅其成功小者邪長其尾而銳其剽者邪頭銛達而剽趙繆者邪一往一來結尾以爲事無羽無翼反覆其極尾生而事起尾遭而事已簪以爲父管以爲母旣以縫表又以連囊夫是謂之箴理

大言賦

宋玉

楚襄王與唐勒景差宋玉遊於陽雲之臺王曰能爲寡人大言者上座王因唏曰操是太阿戮剝一世流血冲天車不可以厲至唐勒曰壯士憤兮絕天維北斗戾兮太山夷至景差曰校士猛毅臯陶嘻大笑至兮摧覆思鋸牙裙雲晞甚大吐舌萬里唾一世至宋玉曰方地爲車圓天爲蓋長劔耿耿倚天外王者未也玉曰并吞四夷欲枯河海跋越九州無所容止身大四塞愁不可長據地跖天迫不得仰

小言賦

宋玉

楚襄王旣登陽雲之臺令諸大夫景差唐勒宋玉等並造大言賦賦畢而宋玉受賞王曰此賦之迂誕則極巨偉矣抑未備也且一陰一陽道之所貴小往大來剝復

之類也是故卑高相配而天地位三光並照則小大備能高而不能下非兼通也能龐而不能細非妙工也然則上坐者未足明賞賢人有能為小言賦者賜之雲夢之田景差曰載氛埃兮乘剽塵體輕蚊翼形微蚤鱗聿遑浮踊凌雲縱身經由鍼孔出入羅巾飄妙翩綿乍見乍泯唐勒曰析飛糠以為輿剖糝糟以為舟泛然投乎杯中淡若巨海之洪流蠅蚋肯以顧盼附蟻螻而遨遊寧隱微以無准原存亡而不憂又曰館於蠅鬚宴于毫端烹虱脛切蟣肝會九族而同濟猶委餘而不殫宋玉曰無內之中微物潛生比之無象言之無名蒙蒙滅景昧昧遺形超於太虛之域出於未兆之庭纖於毳末之微蔑陋於茸毛之方生視之則眇眇望之則真真離朱為之歎悶神明不能察其情二子之言磊磊皆不小何如此之為精王曰善賜以雲夢之田

諷賦

宋玉

楚襄王時宋玉休歸唐勒讒之於王曰玉為人身體容冶口多微詞出愛主人之女入事大王願王疏之玉休還王謂玉為人身體容冶口多微詞出愛主人之女入事寡人不亦薄乎玉曰臣身體容冶受之二親口多微詞聞之聖人臣嘗出行僕饑馬疲正值主人門開主人翁出嫗又到市獨有主人女在女欲置臣堂上太高堂下太卑乃更於蘭房之室止臣其中中有鳴琴焉臣援而鼓之為幽蘭白雪之曲主人之女翳承日之華披翠雲之裘更披白縠之單衫垂珠步搖來排臣戶曰上客

日高無乃饑乎為臣炊彫胡之飯烹露葵之羹來勸臣食以其翡翠之釵挂臣冠纓臣不忍仰視為臣歌曰歲將暮兮日已寒中心亂兮勿多言臣復援琴而鼓之為秋竹積雪之曲主人之女又為臣歌曰內怵惕兮徂玉牀橫自陳兮君之傍君不御兮妾誰怨日將至兮下黃泉玉曰吾寧殺人之父孤人之子誠不忍愛主人之女王曰止止寡人於此時亦何能已也

釣賦

宋玉

宋玉與登徒子偕受釣於玄洲止而並見於楚襄王登徒子曰夫玄洲天下之善釣者也願王觀焉王曰其善奈何登徒子對曰夫玄洲釣也以三尋之竿八絲之線餌若蛆蟻鈎如細鍼以出三赤之魚於數仞之水中豈可謂無術乎夫玄洲芳水餌挂繳鈎其意不可得退而牽行下觸清泥上則波颺玄洲因水勢而施之頡之頡之委縱收斂與魚沉浮及其解弛因而獲之襄王曰善宋玉進曰今察玄洲之釣未可謂能持竿也又烏足為大王言乎王曰子之所謂善釣者何玉曰臣所謂善釣者其竿非竹其綸非絲其鈎非鍼其餌非蟻也王曰願遂聞之宋玉對曰昔堯舜禹湯之釣也以賢聖為竿道德為綸仁義為鈎祿利為餌四海為池萬民為魚釣道微矣非聖人其孰能察之王曰迅哉說乎其釣不可見也宋玉對曰其釣易見王不可察爾昔殷湯以七十里周文以百里興利除害天下歸之其餌可謂芳矣南面而掌天下歷載數百到今不廢其綸可謂紉矣羣生寢

其澤民氓畏其罰其鈎可謂拘矣功成而不隳名立而不改其竿可謂強矣若夫竿折綸絕餌墜鈎决波涌魚失是則夏桀商紂不通夫釣術也今察玄洲之釣也左挾魚罾右執槁竿立乎潢汙之涯倚乎楊柳之間精不離乎魚喙思不出乎鮒鱖形容枯槁神色憔悴樂不役勤獲不當費斯乃水濱之役夫也已君王又何稱焉王若見堯舜之洪竿攄禹湯之修綸投之於瀆視之於海漫漫羣生孰非吾有其為大王之釣不亦樂乎

九宮賦

黃文彊

伊黃虛之典度存斗文之會宮翳華蓋之歲粧依上帝以隆崇握璇璣而布政摠四七而持綱和日月之光曜自節度以運行亭列宿之煥爛咸垂景以煌煌歷天陰之昭昭陽玉石以炳明鏡大道之浩廣泐坑漭以塊塊焉旭歷而銳銀廓岷岷以閱閭即蹴縮以檄糯坎燧援以消煬驪騶騶以羗羸磋磔皓皜以駁樂銀佛律以順游徑閭闔而出玉房謁五嶽而朝六宗對祝融而督勾芒蕩翊翊以敞降聊優游以尚陽躡崑崙而蹈碣石跪底柱而跨太行肘熊耳而據桐柏介嶧冢而持外方浣彭蠡而洗北海淬五湖而漱華池粉白沙而嚙定容卷南越以騰歷連明月以為懸剝駭鷄以為釵繞績組而攝雲鬱垂獨璽而服離貴戴巢岌而帶繚繞曳陶匏以委蛇乘根車而駕神馬驂駿駟而俠窮奇使織女驂乘王良為之御三台執兵而奉引軒轅乘駟驢而先驅招搖豐隆騎師子而俠轂各先後以為雲車左青龍而右

紫觴前七星而後騰蛇徵太一而聚群神趣熒惑而叱
太白東井輟轆而播灑慧勃佛仿以稍擊四微塵於干
道絕引者而驚鞞蚩尤之倫玢璘而要斑爛垂金干而
捷雄戟操巨擘之礮弩齊佩機而鳴廓狼弧設張而外
饗枉矢持芒以岵嶸迅衝風而突飛電振雲崒岫而土
空山龍狡猾而蹴踐烈走札揭而撩桔梗櫟略攫而突
列蛸槁肩屈而却梁黨此巷溘而觸螟蛉扶磨礪而抃
雷公標擊缺而拂勃決奮雲旗而椎鴻鐘聲淳淪以純
侖四海澹而拓地梁碎太山而刺嵩高吸洪河而躡九
江登崔嵬之釐臺闕天門而閃帝宮享嘉命而延壽樂
斯宮之無窮

鬪髀賦

張平子

張平子將遊目於九野觀化乎八方星回日運鳳舉龍
驤南遊赤野北出幽鄉西經昧谷東極扶桑於是季秋
之辰微風起涼聊回軒駕左翔右昂步馬于疇阜道遙
乎陵岡顧見鬪髀委於路傍下居於壤上有玄霜張平
子悵然而問之曰子將并糧推命以天逝乎本喪此土
流遷來乎爲是上智爲是下愚爲是女子爲是丈夫於
是肅然有靈但聞神響不見其形荅曰吾宋人也姓莊
名周遊心方外不能自修壽命終極來而幽玄公子何
以問之對曰我欲告之於五嶽禱之於神祇起子素骨
反子四支取耳北坎求自南離使東震獻足西坤授腹
五內皆還六神皆復子欲之不平鬪髀曰公子言之殊
難也死爲休息生爲役勞冬冰之凝何如春冰之消榮

位在身不亦輕於塵毛巢許所耻伯成所逃况我已化
與道逍遙離朱不能見子野不能聽堯舜不能賞桀紂
不能刑虎豹不能害劔戟不能傷與陰陽同其流與元
氣合其朴以造化為父母天地為牀蓐雷電為鼓扇日
月為燈燭雲漢為川池星宿為珠玉合體自然無情無
欲澄之不清混之不濁不行而至不疾而速於是言卒
響絕神光除滅顧時發軔乃命僕夫假之以縞巾衾之
以玄塵為之傷涕酌於路濱

車渠椀賦

曹子建

惟新椀之所生于涼風之浚潔采金光之定色擬朝陽
而發暉豐玄素之曄曄帶朱榮之葳蕤緼絲綸以肆采
於西野彌百葉之莫希于時乃有篤神后廣被仁聲美
慕義而重使獻茲寶於斯庭命公翰使制匠窮妍麗之
殊形華色粲爛文若點成鬱蒼雲蒸蜿蟬龍征光如激
電影若浮星何神怪之巨偉信一覽而九敬雖離朱之
聰目內炫耀而失精何明麗之可悅超群寶而特章俟
君子之閑宴酌甘醴於斯觥既娛情而可貴故求御而
不忘

函谷關賦

李伯仁

惟皇漢之休烈兮包八極以據中混無外之盪盪兮惟
唐典之極崇萬國喜而洞洽兮何天衢以流通襟要約
之險固兮制關捷以擒并其南則有蒼梧荔浦離水謝
沐涯浦零中以窮海陸於北則有蕭居天井壺口石經

貫越伐朔以臨胡庭緣邊不詣陽會玉門凌測龍堆或
置於西則有隨隴武夷白水江零沔漢阻曲路由山泉
舊水遼濫沐落是經迺周覽以汎觀兮歷衆關以遊目
惟夸闊之宏麗兮羨莫盛於函谷施雕甍以作好建峻
敞之堅重殊中外以隔別異魏魏之高崇命尉臣以執
鑰統羣類之所從嚴固守之猛厲操戈鉞而普聰蕃鎮
造而惕息侯伯過而震惶惟函谷之初設險前有姬之
苗流嘉尹喜之望氣知真人之西游爰物色以遮道爲著
書而肯留自周轍之東遷秦虎視乎中州文馳齊而懼
追譎雞鳴於狗偷睚背魏而西逝托衾衣以免搜大漢
承弊以建德革厥舊而運脩准令宜以就制因茲勢以
立基蓋可以詰非司邪括執喉咽季末荒戍墮闕有年
祖同勲永平承緒欽明奉循上羅三關下列九門會萬
國之玉帛徠百蠻之貢琛冠蓋紛其雲合車馬動而雷
奔察言服以有譏捐繻傳而勿論于以廓襟度於神聖
法易簡於乾坤

夢賦

王文考

臣弱冠嘗夜寢見鬼物與臣戰遂得東方朔與臣作罵
鬼之書臣遂作賦一篇敘夢後人夢者讀誦以却鬼數
數有驗臣不敢蔽其詞曰余宵夜寢息乃忽有非常之
物夢焉其爲夢也悉覩鬼物之變恠則有蛇頭而四角
魚尾而鳥身或三足而六眼或龍形而似人群行而奮
徑忽來到吾前伸臂而舞手意欲相引牽於是夢中驚

怒膈臆紛紜曰吾含天地之淳和何妖孽之敢臻爾乃
揮手振拳雷發電舒斲游光斬猛猪批蠻殺斫魅虛捎
魍魎拂諸渠撞縱目打三顧撲若莛扶夔矍埒睨皖蹴
睢盱剖列屨掣錫孽劓尖臯踏赤舌挈傖甕揮髯鬚於
是手足俱中捷獵摧拉澎澳跌抗措倒批笞強梁捶捋
劇按捺予摠撲黠施顛躄抨橙軋於是群邪衆魅駭擾
惶遽煥衍叛散乍留乍去變形瞪眄顧望猶豫吾於是
更奮奇譎脉捧獲噴扼撓峴捷咿嘜批搗噴於是三三
四四相隨浪傍而歷僻確確磕磕齊亥布忽魯譽譽
鬼驚魅怖或盤跚而欲走或拘孿而不能步或中瘡而
宛轉或捧痛而號呼奄霧消而光散寂不知其何故嗟
妖邪之恠物敢干真人之正度耳唧嘈而外即忽屈伸
而覺寤於是雞知天曙而奮羽忽嘈然而自鳴鬼聞之
以迸失心惴怖而皆驚亂曰齊相夢物而以霸兮武丁
夜感得賢佐兮周夢九齡年克百兮晉文監腦國以竟
兮老子役鬼為神將兮轉禍為福未無恙兮

疾邪賦

趙元叔

伊五帝之不同禮三王亦又不同樂數極自然變化非
是故相反駁德政不能救世溷亂嘗罰豈足懲時清濁
春秋時禍敗之始戰國愈復增其荼毒秦漢無以相踰
越乃更加其怨酷寧計生民之命唯利已而自足于茲
迄今情偽萬方佞諂日熾剛克消亡舐痔結駟正色徒
行嫗媯名勢撫拍豪強偃蹇反俗立致咎殃捷懽逐物
日富月昌渾然同惑孰溫孰涼邪夫顯進直士幽藏原

斯瘼之攸與實執政之匪賢女謁掩其視聽兮近習秉其威權所好則鑽皮出其毛羽所惡則洗垢求其癩痕雖欲竭誠而盡忠路絕嶮而靡緣九重既不可啓又群吠之信信安危亡於旦夕肆嗜欲於目前奚異涉海之失拖積薪而待然榮納由於閃榆孰知辨其蚩妍故法禁屈撓於勢族恩澤不逮於單門寧饑寒於堯舜之荒歲兮不飽暖於當今之豐年乘理雖死而非亡違義雖生而匪存有秦客者乃為詩曰河清不可俟人命不可延順風激靡草富貴者稱賢文籍雖滿腹不如一囊錢伊優北堂上抗辭倚門邊魯生聞此辭繫而作歌曰

勢家多所宜咳唾自成珠被褐懷金玉蘭蕙化為芻賢者雖獨悟所困在群愚且各守爾分勿復空馳驅哀哉

復哀哉此是命矣夫

元父賦

阮嗣宗

吾嘗遊元一作元父登其城使人愁思作賦以誌之言不足樂也

元父者九州之窮也先代之幽虛者也故其地郭卑小局促危隘不遐其土田則汗除漸淤泥涅槃洿方池邊屬兮容水滂沲穢菜惟產兮不食實多地下沉陰兮受氣匪和太陽不周兮植物靡加故其人民頑嚚禱祝下愚難化其區城雍絕斷塞分迫旋淵終始同貫本末相牽疇昔訖今曠世歷年鉅野渚其後窮齊盡其前眵澮不暢垢濁寔臻不肖群聚屋空無賢故其民放散肴亂藪竄澤居比跡麋鹿齊志豪樞是以其原壤不辟樹藝

希疏莧葦彌臯蚊蚋慘膚也于其遠險則右金鄉而左
高平崇陵崔巍深溪崕嶭美類不處熊虎是生故人民
被害嚼齧禽性獸情爾之近阻則鳴鳩廕其前曲城發
其後鴟梟群翔之可悼豈有志於涓史故其人民狼風
氣盪電無厚南望春申東瞻孟嘗表界薛邑境邊山
陽逆旅行合姦盜所藏北臨平陸齊之西封捷徑燕趙
逃齒逍遙故其人民側匿頗僻隱蔽不公懷私抱詐爽
匿是從禮義不設淳化匪同先哲遺言有昭有襲如何
君子栖遲斯邦

歲暮賦

陸士龍

余祗役京邑載離未久未寧二年春泰寵北郡其夏又
轉大將軍右司馬於鄴都自去故鄉在再六年惟姑與
姊仍見背棄銜痛萬里哀恩傷毒而日月逝速歲聿云
暮感萬物之既改瞻天地而傷懷乃作賦以言情焉

夫何乾行之變通兮昏明迭而載路美飛轡之遠御兮
騰六龍於天步時赴節而漸流兮氣移數而改度揮促
節於短日兮振修策於長夜運攸忽其既周兮歲用冉
而告暮變棘心之柔風兮滋葦草之湛露玄暉邈以峻
服兮黃裳皓而振素於是顓頊御時玄冥統官天廟既
底日月貞觀淪重陽於潛戶兮嚴徵積陰於司寒日回
天以減景兮飈衝淵而無瀾堅冰涸於川底兮白雪隕
於雲端普區宇之瘁景兮頻萬物之衰顏時稟戾其可
悲兮氣蕭索而傷心淒風愴其鴻條兮落葉翻而灑林
獸藏丘而絕迹兮鳥攀木而栖音山振枯於曾嶺兮民

懷慘於重襟寒與暑其代謝兮年冉冉其將老豈顏曄
而朝兮玄髮粲其夕皓感芳華之志學兮悲時暮而難
考遠圖逝而辭懷兮密思集而盈抱美厚德之溥載兮
嘉豐化之大造恨盛來之苦晏兮悲衰至之常蚤指晞
露而怵心兮銜死生於靡草蒙時來之嘉運兮遊上京
而凱入委乘輅於紫宮兮剖金虎而底邑憑台光之發
暉兮荷寵靈而來集望故疇之迥遼兮沂南風而頽泣
長歎息而未懷兮感逝物而傷悲哀年歲之攸往兮伊
行人之思歸結隆恩於朝日兮綴末念於紀暉表寸陰
而貞吝兮盼盈尺其若遺嗟我行人之久求兮何歸途
之茫茫憇遵渚於川盼攸逝兮江湘處孝敬於神丘兮
結祇慕於帷桑瞻山川而物存兮思六親而人亡問仁

姪而背世兮及伯姊而淪喪尋餘蹤於虛宇兮想絕景
於遺堂悲山林之杳藹兮痛華構之丘荒靖深情以遐
慕兮思纏綿而懷楚涕垂頤以交頽兮哀凌心而洞駭
神尋路而窘逝兮形頻蹙乎其所心悠悠其若懸兮音
既絕而復舉悲人生之有終兮何天造而罔極仰悲谷
之方中兮顧懸車而日昃百年迅於分噓兮千歲疾於
一息詠大椿之萬祀兮同蟪蛄於未識歲難停而易逝
兮情艱多而泰寡年有來而棄子兮時無算而非我祇
生心於日順兮雖呼吸其難假攝僦生於逆旅兮欲淹
留其焉可彼鑿寐之有時兮亦始卒之固然舒遠懷於
千載兮悵同感乎中山鑿通人之炳戒兮懼晏平之達
言啓貞心以自買兮覽遺籍而問道亮爽鳩之既徂兮

故營丘之有紹在吾儕之陋心兮豈取樂於東表荷長
生而自得兮將奚待而有天考大德於天地兮知斯言
之益矯

南征賦

陸士龍

大安二年秋八月姦臣羊玄之皇甫商敢行稱亂凌逼
乘輿天子蒙塵于外自秋徂冬大將軍敷命群后同恤
社稷乃身統三軍以謀國難自義聲所及四海之內朔
漢之表蒸徒羸糧而請奮胡馬擬塞而思征四方之會
衆以百萬軍旅之盛威靈之著自古以來未之有也粵
十月軍次于朝歌講武洽戎以觀兵于殷墟於是美義
征之舉壯師徒之盛乃作南征賦以揚匡霸之勲云爾
有皇晉之霸后資濬哲之獻聖崇文德於緝熙濟武功
而保定應天鑑之昭華荷帝祐之休命步玉衡以觀八
方在旋璣而齊七政芒芒神道化洽崇深仰戾天飛俯
洞淵沉振南箕以鼓物冒慶雲而崇蔭宏天維以籠世
廓宇宙而宅心濟溥施之厚德鏗希聲之大音淵澤回
而泣注豪彥萃而爲林九服惟清諸夏謐靜肅慎回首
沙漠引領天和時降地靈夙挺結芳林之奇幹垂珍禾
之神穎勵修德於億兆端澄形於萬景在中葉之不兢
遭皇家之毒亂悲國步之未夷仰夙興而昧旦括無方
而大誥集率土而貞觀致天屬於王畿肅有征而省難
爾乃建黃鉞之靈威樹戎輅之高蓋伐隱天之雷鼓振
凌霄之電旆介天揮戈而夙興輕武摠千而啓萬振靈
韶之嘈嘈飛旛旄之藹藹虹旃沂風以委蛇霓旄蒙光

而容裔公徒十萬其會雲興悠悠華戎時罔不承爾乃
命屏翳以夕降式飛廉以朝升塗蒙雨而復清景帶天
而光澄陪武臣於彫軒列名僚於後乘猛將起而虎嘯
商飈肅其來應士憑威而嚮駭馬獻天而景凌臨川屯
於廣陸武騎被乎中陵類禡比京師徒經始桓桓先征
在河之涘順彼長道懸旌千里美王師之遵時茂七德
而發止爾乃稅駕殷墟我徒既閑順時講武簿狩于原
紛同方而類聚煥副翼而明分祗明刑以誓衆習軍政
於舊聞儼山立以崇蒼粲煙駭而興紛若真海之引回
流岱靈之吐行雲于時玄冬首時陰風戒煞止澤含哀
天地肅又閑夜冽以澄清中原曠而曖昧戎士肅而咸
戒三軍紛而雜還長角哀叫以命旅金鼓隱訇而啓伐

景凌雲而四播音乘雲而止
迎火烈具舉伐鼓淵淵朱
光俛而丹野炎暉仰而絳天
惟靈翕赫以增熾憤氣睇
悅而凌煙狂飈起而妄駭行
至謁而千眠旌旆翻其猗
靡警燹因而嬗媚爾乃洪音
與漬之問剋廣凌雲發揮
萬里振響聲馮虛而天回烈駭
而地蕩映皓月而望舒
闇照重昏而大夜朗服縣炎揚
而旆儵飛烽戢煜而決
潏乃有熊羆之旅虓闕之將
雄聲泉湧逸氣風亮超三
軍以奔厲賈餘勇而成壯兆
洪音於寂漠先無形而高
唱紛若屯雲渙若積波遁陰
景靜言勿譁絕唱寂其既
收萬夫翕而咸和嚴鼓隱而
重戒景燧擘而星羅烈蒙
陰而印假曜憑陽而登遐若
扶桑之振華葉皓天之散
朝霞超燭龍之絕景豈比象
於百華

函谷關賦

江應元

登彼函谷爰覽丘陵地險逶迤山岡相承深壑累降修
衣重升杳冥而幽曖上穹從而高輿帶以河洛重以崑
阻經畧封畿因固設險異服則呵奇言必檢道姦究於
未芽殿邪僞於萌漸及文仲之斯廢乃建仁而受貶聖
王制典蓋以防淫萬里順範壇場不侵撫四夷而守境
豈恃阻於高岑彼桀紂以顛墜非山河而不深顧晉平
之愛險獲汝叔之忠箴鄙魏武之墜志嘉吳起之弘心
未代陵遲惡羸氏之叛渙乃因茲而自增下陵上替山
冢萃崩覽孟嘗之獲免賴博愛而多寵惟七國之西征
仰斯阻而震恐豈隩險之難犯將群帥之無勇咨漢祖
之絕關又見敗於勅項尹喜爰處觀妙研情李老西祖
五千遺聲張祿旣入穰侯乃傾營陵之出稟築由生衛
鞅及尚喪宗摧名終軍弃繻擁節飛榮覩浮僞於末俗
思玄真乎大庭

觀漏賦

鮑明遠

客有觀於漏者退而歎曰夫及遠者箭也而定遠非箭
之功爲生者我也而制生非我之情故自箭而爲心不
可憑者絃因生以觀我不可恃者年憑其不可恃故以
悲哉況乎沈華密遠輕波潛耗而感神嬰慮者又自外
而傷壽以是思生生亦勤矣乃爲賦云

佩流歎於馳年纓華思於奔月結蘭若以望楚弄參差
以歌越撫凝肌於遷滯鑑雕容於髣髴景有墜而易昏
憂無方而難歇歷玫瑰階而升隩訪金壺之盈闕觀騰波

之吞寫視驚箭之登沒箭既沒而復登波長瀉而弗歸
註沈穴而海漏射懸塗而電飛墜戶牖而知天掩雲霧
而測暉創百齡於織隱積千里於空微彼崢嶸而行溢
此冉冉而逾衰撫寸心而未改指分光而未違昔傷矢
之奔禽聞虛弦之顛仆徒嬰刃而知懼豈潛機之能覺
惟生經之霹靡亦悲長而懼促橫證古而秉心抱空意
其如玉波沈沈而東注日滔滔而西屬落繁馨於織草
殞豐華於喬木對吳離而後歌據窮蹊而方哭雖接薪
之更傳寧絕明之還續貫古今而并念信寡易而多難
時不留乎激矢生乃急於走丸既河源之莫壅又吹波
而助瀾神怵迫而多慮心轉轉而甚歡望天涯而佇念
濯雄劍而長歎嗟生民之未迷躬與後而皆恤殒零落
而無二生差池之非一理幽分於化前冥冥定於天秩
與艾骨而招病猶剗腸而興疾情殊用而俱盡事離方
而同失聊弭志以高歌順烟雨而沈逸於是隨秋鴻而
汎渚逐春燕而登梁進賦詩而展念退陳酒以排傷物
不可以兩大得無得而雙昌薰晚華而後落槿早秀而
前亡姑屏憂以愉思樂茲情於寸光從江河之紆直委
天地之圓方漏盈兮漏虛長無絕兮芬芳

感物賦

傅季友

余以暮秋之月述職內禁夜清務隙遊目藝苑于時風
霜初戒蟄類尚繁飛蛾翔羽翩翾滿室赴軒幌集明燭
者必以雉滅爲度雖則微物矜懷者久之退感莊生異
鵲之事與彼同迷而忘及鑒之道此先師所以鄙智及

齊客所以難目論也。悵然有懷，感物興思，遂賦之。云爾。
在西成之暮，晷肅皇命於禁中。聆蜻蛚於前廡，鑒朗月於房櫳。風蕭瑟以陵幌，霜澄澄而被墉。伶鳴蜩之應節，惜落景之懷東。嗟勞人之萃感，何夕未而慮充。眇今古以遐念，若循環之無終。詠倚相之遺短，希董生之方融。鑽光燈而散袞，溫聖哲之遺蹤。墳素杏以難暨，九流紛其異封。領三百於無邪，貫五千於有宗。考舊聞於前史，訪心跡於汗隆。豈夷阻之在連，將全喪之田躬。遊翰林之彪炳，嘉美手於良工。辭存麗而去穢，旨旣雅而能通。雖源流之深浩，且場摧而發蒙。習習飛蚋，飄飄織蠅。緣幌求隙，望爛思陵。糜蘭膏而無悔，赴朗燭而未懲。瞻前軌之旣覆，忘改轍於後乘。匪微物之足悼，悵未念而俯潛彼人道之爲貴，參二儀而比靈。稟清曠以授氣，脩緣督而爲經。照安危於心術，鏡纖兆於未形。有徇末而捨本，或耽欲而忘生。碎隨侯於微爵，捐所重而要輕。矧昆蟲之所昧，在智士其猶嬰。悟雕陵於莊氏，幾鑿濁而迷清。仰前修之懿軌，知吾跡之未并。雖宋元之外，占曷在予之克明。豈知反之徒爾，唱投翰以增情。

燈賦

江文通

淮南王信自華，淫命綵女兮餌丹砂。而學鳳音，紫霞沒白日。沉挂明燈，散玄陰。顧謂小山儒士，斯可賦乎。於是泛瑟而言曰：若大王之燈者，銅華金檠，錯質鏤形。碧爲雲氣，玉爲仙靈。雙椀百枝，艷帳充庭。炤錦地之文席，映繡柱之鴻筓。恣靈修之浩盪，釋心疑而未平。茲侯服之

廣文選卷第九
誇詡而處士所莫營也若庶人之燈者非珠非銀無藻
無縟心不貴美器窮於樸是以露冷帷幔風結羅紈螢
光別桂蛾命辭蘭秋夜如歲秋情如絲怨此愁抱傷此
秋期必丹燈坐歎停說忘辭至夫霜封園橘冰裂池蓀
雲雪無際河海方昏冬膏既凝冬箭未度消連冬心寂
歷冬暮亦復朱燈空明但為傷故乃知燈之為寶信可
賦也王遂讚善澄意斂神屈原才華宋玉英人恨不得
與之同時結佩共紳今子凝章挺秀近出嘉賓吐蘅吐
蕙含瓊含珉摧駮雕輦以愛國之有臣焉

廣文選卷第九

江都葛澗校

廣文選卷第十

明通議大夫都察院右副都御史大庾劉節廣

賦

雜賦下

几賦

鄒陽

高樹凌雲蟠汚煩冤傍生附枝王爾公舒之徒荷斧斤
援葛藟攀喬枝上不測之絕頂伐之以歸眇者督直蠶
者磨磨齊貢金斧楚入名工迺成斯几離奇髮鬣似龍
盤馬迴鳳去鸞歸君王憑之聖德日躋

屏風賦

劉安

維茲屏風出自幽谷根深枝茂號為喬木孤生陋弱畏
金強族移根易土委伏溝瀆飄飄殆危靡安措足思在